

**Kalaallit Nunaanni sulitilluni ajoqusersinnaanermik isumannaarineq pillugu
inatsit naapertorlugu 1. januar 2018-imi allaffissornermut akit pillugit
nalunaarut**

Tak. Kalaallit Nunaanni sulitilluni ajoqusersinnaanermik isumannaarineq pillugu inatsimmik nalunaarummi nr. 75, 16. januar 2017-meersumi § 64, imm. 4 aamma § 74, imm. 2 naapertorlugit, Arbejdsmarkedets Erhvervssikringip siulersuisuisa inassuteqareernerisigut aamma anigaasaqarnermut nunamilu namminerimi pissutsinut ministerimik isumaqatiginninniareernikkut, aalajangersarneqarpoq:

Suliat Kalaallit Nunaanni sulitilluni ajoqusersinnaanermik isumannaarineq pillugu inatsimmi pineqartut Arbejdsmarkedets Erhvervssikringip aamma Ankestyrelsip allaffissuutiginerannut akit

§ 1. Pissutsinut Kalaallit Nunaanni sulisilluni ajoqusersinnaanermik isumannaarineq pillugu inatsimmi pineqartunut Arbejdsmarkedets Erhvervssikringip allaffissorneranut aamma peqqussutinut atuutereersimasunut sillimmasiisarfinnullu imaluunniit Arbejdsmarkedets Erhvervssygdomsikringimut tunngasunut, tak. inatsimmi § 64, akiliisarnerit pisassapput akit makku najoqqutaralugit:

- 1) Ajoqusernerit 7.880 kr.
- 2) Inuussutissarsiutinut nappaatinut 5.160 kr.

Imm. 2. Imm. 1-imi akit taaneqartut suliat nalunaarutigeqqammikkat suliarinerannut aamma suliat iluarsissutinut suliarinneqqilernernullu tunngasut suliarinerannut akiliutigineqartassapput.

§ 2. Suliatut pilersinneqartumut ataatsimut 1. januar 2018-imi tamatumaluunniit kingorna suliarineqalersumut Ankestyrelsip allaffissorneranut 9.580 kr. akiliutigineqassapput. Suliami aalajangiinerit ilaannut tamanut Ankestyrelsi suliamik aallartitsisassaaq.

Kalaallit Nunaanni sulisilluni ajoqusersinnaanermik isumannaarineq pillugu inatsimmi § 74 aamma Kalaallit Nunaanni taarsiissuteqarnissamut akisussaassuseqarneq pillugu inatsisip Kalaallit Nunaanni atuutilersinneqarnissaa peqqussummi nr. 796, 1. oktober 1993-imeersumi § 10 malillugit oqaaseqaateqarnermut akiliisarneq, tak. nalunaarut nr. 1078, 11. september 2015-imeersoq

§ 3. Inatsimmi § 74 malillugu oqaaseqaateqarnermut akiliineq pisassaaq akit makku malillugit:

- 1) Inuussutissarsiorsinnaassusermik annaasaqarneq pillugu oqaaseqaat: 22.280 kr.
- 2) Oqaaseqaateqarnerit allat: 6.220 kr.

Imm. 2. Suliat pillugit allagaatit erseqqinnerusumik taaneqartut tunngavigalugit piffissani erseqqinnerusumik taaneqartuni pigallartutut missingersorneqarsinnaanersut imaluunniit ajoquserup siunissami inuussutissarsiorsinnaanera, tamatumunnga peqatigitillugu allanik oqaaseqaateqarnissamut

qinnuteqaateqarsimaneq apeqqutaatinnagu taamaativinnersoq pillugu oqaaseqaateqarnermi aki imm. 1, nr. 1-imi taaneqartoq immikkut ittumik aamma malinneqassaaq.

Imm. 3. Imm. 1 aamma 2 malillugit aningaasat oqaaseqaateqarnissaq pillugu qinnuteqaateqarnermut peqatigitillugu akilerneqassapput.

Atuutilerfia

§ 4. Nalunaarut atuutilersinneqarpoq ulloq 1. januar 2018. *Imm. 2.* Kalaallit Nunaanni sulitilluni ajoqusersinnaanermut isumannaarineq pillugu inatsit naapertorlugu 1. januar 2017-imit aningaasat tunniunneqartartut annertussusii pillugit nalunaarut nr. 1603, 9. december 2016-imeersoq atorunnaarsinneqarpoq.

Beskæftigelsesministeria, 27. november 2017

TROELS LUND POULSEN

/ Thomas Hjortenber